



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

2014. Vertrag zwischen Brandenburg, Mecklenburg und Pommern über die  
Herstellung der Sicherheit auf den Landstraßen, vom 29. Juli 1479.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

bruder hertzog Baltzar obgenant, diser vorgeschriben vordracht vnd verbindunge halben, vnd hat vnns darzu vulmechtig gemacht die anzunehmen, gleich ob er selbs zur stete were, vnd haben der wegen vnser Infigel sur jn vnd seine stette hengen lassen, des er soll vnd will bekennen glich seins eigen Infigels. Gescheen vnd geben zur Weltsnack, am dinstag nach sand Jacob des heiligen apostels tag, nach Cristi geburd viertzehnhundert vnd im newn vnd sibentzigsten Jarenn.

Nach dem Originale des K. Geh. Kab.-Archives K. 81.

2014. Vertrag zwischen Brandenburg, Mecklenburg und Pommern über die Herstellung der Sicherheit auf den Landstraßen, vom 29. Juli 1479.

In deme namen der hilgen dreualdicheit Amen, Bekennen wir Albrecht, van gades gnaden des hilgen Romischen Rikes Ertzkamerer vnde kurfurste, Johans, frederik vnde Sigemund, sine sons, Marggrauen tho Brandenborch, to Stettin, pomern etc. uppe de enen, vnde wy albrecht, Magnus vnde Baltazar, von der sulven gnade brudere Hertogen tho Mekelenburg, Fürsten to Wenden, Greuen to Zwerin, der Lande Rostogk vnde Stargarde hern, vppe de anderer, vnde wy Buggeflaff, van der sulven gnade tho Stettin, pomern, Cassuben vnde der wende etc. hertoge, furste tho Rugen vnde Graue tho Gutzchow, vppe de drudden fiden, apenbar betugende. So also denne de gemeyne Strate plach dorch vnser zeligen vorfaren vnde voroldernn lande vnde herscope to ghande, welkere lannde vnde herscoppe denne nhu van gnade wegen gades Almechtich na vorlope der tidt bette to vnser hebben belanget, desse wy also gade vnserm hern hochliken hebben to bedankende vnde doch sodane Strathen mennichfaldiger plackerige, rouerige vnde togrepe willen, de dageliks daruppe geschen sint vnde noch van tiden to tiden beschen, deger vnde all vorwustet vnde dale lecht sint, Also dat nemant vare vnde vorluft haluen finer gudere vnde liues de wedder dorue besoken, beuaren, beriden erste wancken vnde also wy denne Cristen fursten sint vnde vns sodane gebreke vnser furtiliken stades wegen bildeliken to steit vnde tho behoret to bedenkende, de wedder upp tho richtende vnd dat mene beste darane to besorgende, hebben wy also gade vnserm hernn to laue vnde eren, vnser landen vnde luden, deme gemenen besten vnde deme wanderenden kopmanne to nutte vnd framen, des vnder enander ens geworden sint vnde vns der Straten wegen verbunden hebben jn deffer Nagescreuen wise, Also dat wy Marggraue albrecht, Johannes, frederik vnde Segemund vorgeant vnde vnse eruen vnde nakamelinge Scolen vnde willen vnse Straten dorch vnse lande de margke vnde de priggenitze vorgegedingen vnde freigh holden, Also dat ein Iderman scall vnde moge mit finen guderen vnde kopenscop varen, riden vnde wanken vnbehindert vor allweme in vnser gebede vnde

landen vnde aldar ere kopenscopp don vnde ouen, war enem jlliken dat euenft kumpt vnde wy enen Iderman, de Also vnse Straten vnde lannde befokende werth, darto veiligen vnde geleiden vnde denfuluen scolen vnde willen vor scaden stan vppe redelick leydegelt, in enem andern vnser brieft, Hir by gegeuen, utgedrugket vnde bestemmet, vnde dorch vnser fursten allenn bauen benhomet vorsegelt. Vnde weret, dat godt vorbede, dat iemant in vnserm geleide also in vnsern landen, herfcoppen vnde gebeden worde auertagen, bescediget, berouet, benhamen effte gegrepen, Scolen vnde willen wy vnse eruen effte nakomelinge deme effte den den sodans bescutth vnde sodanen scaden liden, in eren scaden na der gudere werde denne wedder legghen vnde betalen. Worde ock Jemandth gegrepen, Scolen vnde willen wy den edder de ock wedder losz schigken sunder alle geferde. Vnde wy albrecht, Magnus vnde Baltazar, hertogen to meckelnborch vorbenhomet vnde vnse eruen vnde nahomelinge vnde wy Buggeslaff, hertogen to Stettin vnde pomern etc. vorbenhomet vnde vnse eruen vnde nakomelinge Scolen vnde willen ok geliker wyfze bauencreuen vnse Straten, dorch vnse lande meckelnborch, wende, zwerin, Stargarde vnde Rostogk etc. Stettin, wolgast, ankalaem vnde Bard vordedingen vnde freigh holden, Also dat ein Iderman mit sinen gudern vnde kopenscoppen in vnsern landen gebeden vnd herfcoppen ok mogen varen, riden, ere kopenscopp don vnde ouen, dar enem jlliken dat euenftkamende werth, vor alfweme vnbehindert, vnde wy vnde ein Ilick vor fick enen iderman, de so vnse Straten vnde lannde befokende werth, dartho veyligen vnde leyden, vnde scolen vnde willen enen iszliken vor scaden stan up redelik leyde gelt, in vnserm hirby gegeuen breste, dorch vns fursten allen bauencreuen vorsegelt, uthgedrugket vnde bestemmet: vnde Schegen welke to grepe uppe den Straten in der margke effte priggenitze dorch de meckelnborgesken, wendesschen, Rostokeren, Stargardenen effte zwerinschen, Scolen vnde willen wy albrecht, Johannis, frederik vnde Segemund, Marggrauen vorbenhomet effte vnse eruen effte nahomelinge den volghen Edder dorch vnse houetlude vnde Amptmanne mit den vnsern en volgen lathen vnde alfulke handdadere vnde Rouerere foken, vnde de meckelnborgeschen heren effte ere Stede houetlude edder amptmanne vnde gudemanne dartho esken lathen mit vns effte den vnsern tovolgende vnde sodann handdadere vnde rouere helpen to fokende. Vnde wy albrecht, Magnus vnde baltazar, hertogen tho meckelnborch vorbenhomet edder vnse eruen effte Nakomelinge scolen vnde willen dorch vns suluest edder vnse houetlude, Amptmanne, gudemanne vnde Stede de foken des genamen wedderkeringe to beholdende vnde de handdadere straffen helpen. Vnde schegen ok wedderume welke togrepe vnde rouerige in den landen Meckelnborch, wenden, Stargarde, Rostogk vnde zwerin dorch de markeffchen effte priggenitzeren, scolen vnde willen wy albrecht, Magnus vnd Baltazar hertogen vorbenhomet edder vnse eruen vnde nakomelinge den volgen de handdere foken vnse oheme de marggrauen edder ere houetlude, amptmanne, gudemanne vnde Stede dartho eschen laten, den mede tovolgende, de gnomen wedderkerin vnde de handdere straffen helpen vnde in allermathe vnde wif dat ock wedderume so holden, so vorfecht is. Weret dat ock welke togrepe scegen in de margke edder priggenitze dorch de Stetinsken, wolgasterer, amkelamschen vnde barderer Edder

in de lande meckelnborch, wenden, Rostogk vnnde stergarde, denne scolen vnnde mogen vnse Swegere, de Marggrauen edder ere eruen effte Nakomelinge dorch se suluest edder ere houetlude, Amptmanne, gudemanne vnnde Stede den volgen effte volgen laten vnnde vns edder vnse houetlude, amptmanne, gudemanne vnnde stede dartho eschen laten mit en volgende sodaner gnamen wedderkeringe tobehoudende vnnde de handdare darumme straffen to behelpende. Vnde schege vnfen ohmen vnnde Swegere den hertogen tho mekelnborch welke togrepe also vorgefecht is, denne scolen vnnde willen wy edder vnse houetlude, amptlude, gudemanne vnnde Stede by en don vnnde volgen vnd se wedderumme by vns don vnnde so volgenn scolen vnnde willen, in aller mathe vnnde wise, so bauen beroret is, vnnde sodane vndaet vnns ein dem andern getoweliken so helpen straffen. Vnde weret dat welke vromede vnnde butenheymfke ruter vnnde haelude in vnfen landen welke rouerige vnnde togrepe dedenn, Scolen vnnde willen wy samentliken den volgen, de foken, van en wedderkeringe der genamen belangen vnnde de Straffen, dar vns denne alle Stede, de sik vnser lande straten vnnde geleydes willen brukenn, sodans to straffende, wanner wy see dartho eschen latenn, scholenn helpen vnnde darane biplichten. Vnde wy henn vnnde fursten alle bauen-screuen hebben beualen vnnde geheiten vnfen houetluden, amptmannen vnnde steden vnnde en gegeuen vulle macht, dat desuluen vnse houetlude, Amptmanne effte Stede sodane rouerige plackerige vnnde vndaeth mogen affkeren vnnde de handdarere vnnde all de Jenne, de see hufen vnnde bauen vnnde darmede see mit sodanen genomen vnnde vndaeth affleggen vnnde enthalten werden, bildeliken straffen mogen, vnnde geen en des so vulmacht ju crafft desses vnfes briues vnnde ein izlik kopmann, de so vnse Strate fokende wert, scall geuen sin leydegelt nach gewerde der gudere vnnde alse in vnserm hir bigegeuen vorgefechten breue utgedrucket vnnde bestemmet is, in enem ieweliken vnns henn alle bauen-screuen lande, dar in vnnde dorch he varende, ridende effte wankende werth ens vnnde to enem male, wat weges he uthvarende werth jut land vnnde wedder uth dem lande, van den guderenn, de he denne wedder geladen hefft noch ens to ener illiken reyse, vnnde scall dar enbauen nicht furder belastet effte beswaret werden. Alle desse stücke, puncte vnnde Articul alle bauen beroret, lauen vnnde seggen wy fursten vnnde henn in guden getrouwen vnnde vasten gelouen woll to holdende Sunder alle nige vnnde alle geferde, vnnde des to orkunde vnnde vasterem louen, hebben wy albrecht, Johauns, frederik vnnde Sigemunde, Marggrauen etc. vorbenomet vor vnns vnnde vnse eruen vnnde nakomelinge desser so to holdende gebedenn vnnde heiten lauen vnse Stede alse de van Brandennborch, Berline, Calen, Stendell, prentzelaw, Soltwedele, Tangermunde, perleberge, pritzwalke, wistoke, haelberge, kyritze, offerborch, Seehufen vnnde werben vnfen ohmen henn Albrechte, Magnus vnnde Baltazar, hertogen to mekelnborch etc. vorbenohomet eren eruen vnnde nakomelingen vnnde vnserm Swagere, henn Buggeslaue, hertogen tho Stettin vnnde pomerin vorbenohomet synen eruen vnnde nakomelingen: vnnde wy Albrecht, Magnus vnnde Baltazar vor vns, vnse eruen vnnde nakomelinge hebben wedderumme geboden vnnde lauen heten vnse Stede Rostogk, wismere, zwerin, Greuemollen, Ribbenitze, Gadebusch, Gnoygen, Parchim, Gusterow, Malchin,

Brandenborch, fredelande, woren vnde Robeln: vnde wy Buggeslaff, hertoge to Stettin vnde pomern etc. vorbenomet, vor vns, vnse eruen vnde nakomelinge, hebben des geliken gebeden vnde lauen heten vnse Stede Stralesund, Gripeswolt, anckelam, Demyn, palzwalck, Treptow, Bardt, Tribufzes vnde grymmen desser so to holdende, uppe dat se den gemenen kopmann vortan van vnser wegen mogen vorfekerer: vund wy borgermestere vnde Rathmanne der Stede bauen benhomet alle in der margke to Brandenborch vnde priggenitze beseten, van vnser Stede wegen so benhomet, lauen vnde seggen wy Juw hochgebornn fursten vunde hern, herrn albrechte, Magnus vunde Baltazar, hertogen to meckelnborch etc. vorbenomet, Juwen eruen vunde nhakomelingen vnde Juw hochgebornn fursten vunde hernn, herrn Buggeslaue, hertogen to Stettin vnde pomern etc. vorbenomet, Juwen eruen vunde nhakomelingen, Vnde Juw Erfamen Steden in den landen mekelnborch, wenden, zwerin, Rostogk vnde Stergarde vnde Stettin, wolgaste, anckelaem, Gutzschow vunde bard beseten, vnde wy borgermeistere vunde Rathmanne der Stede bauen benhomet alle in den landen mekelnborch, wenden etc. Stettin, Wolgaste etc. lauen vnde Seggen wedderumme Juw hochgebornen fursten vnde herren, herrn Albrechte kurfursten, hern Johans, herrn frederike vunde herrn Sigemundis, Marggreuen to Brandenborch etc. vnser gnedigen, leuen hern vnde Juw erzamen Steden allen in der Margke to Brandenborch vnde priggenitze beseten vnde hir juue vorbenomet vnde vorbessereuen vor vnse gnedigen hern bauencreuen ein Islik vor de sine in mate vnde wise so bauen beroret is wol tho holdende sunder alle argelift vunde all geferde. Vunde wy Albrecht kurfurste, Johans vunde frederik, Marggrauen upp genant hebben vor vns, vnser Sone vunde Bruder, Marggrauen Segemunde vnde vnse eruen vnde Nakomelinge vunde wy Albrecht vnde Magnus vor vns vnser bruder hertogean Baltazar, hertogen tho mekelnborch etc. vor vnse eruen vnde nhakomelinge vunde wy Buggeslaff, hertoge to Stettin vnde pomern etc. vorbenompt vor vns, vnse eruen vnde nakomelinge, vnse kurfurstlike vnde furstlike vnde wy Borgermestere vnde Radmanne der Stede alle hirynne bauen beroret vnde vorseueuen vnser Stede alle vor vnns vunde vnse nakomelinge Ingefegeln Samentliken desser to orkunde vnde merer sekerheyt hengen laten mit vnser allen wetenheit vnde witscopp an dessen breff. Geuen vunde screueenn thor willnacke, nha der borth christi vnser hernn verteinhundert Jar vnde am Negen vnde Souentigsten Jare, Am donredage nha sunte Jacobs dage des hilligen apotels.

*Nach dem Copialbuche des Markgrafen Johann. — Lückenhaft in Gercken's Cod. VIII, 599.*

2015. Vertrag des Kurfürsten Albrecht mit dem postulirten Erzbischofe Ernst von Magdeburg über Maasregeln zur Unterdrückung der Straßenräuberei in ihren Landen, vom 31. Juli 1479.

Zu wissen, als dann vor vns Ernst, postulaten zu Ertzbischoue zu Magdeburg etc. hertogen zu Sachsen, landtgrauen in doringen vnd Marggrauen zu Meissen,